

Oqaluuserisassat pillugit nassuiaat.

(Inatsisartut Siulittaasoqarfiat)

Ilaqtariinnermut Ataatsimiititaliap kissaatigaa oqaluuserisassani immikkoortoq 118-ip, Uunga siunnersuut: Inatsisartut peqqussutaat nr. xx, xx 2010 pisortanit ikiorsiissutit pillugit inatsisartut peqqussutaata allannguuteqarfiginissaa (Oqaatsitigut erseqqissaanissaaq illerfiillu angallanneqartarneri pillugit), aappassaaneerneqarnissaa pingajussaaneerneqarnissaalu kinguartinneqassasut. Maanna siunnersuutigineqarpoq immikkoortoq ulloq 11. maj aappassaaneerneqassasooq ullorlu 18. maj pingajussaaneerneqarluni

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap kissaatigaa oqaluuserisassani immikkoortoq 17-ip, Kalaallit Nunaanni ilinniaqqiffiusuni ilinniartitsinerup qaffasissusaata misissorneqarnissaanik imaqartumik misissuinissamik aallartitsinissaamut Inatsisartunut aalajangiussassatut siunnersuut. Misissuineq sanilliunneqarsinnaasariaqassaaq misissuineranut nunani killerni allani ingerlanneqarsimasunut assingusunut, aappassaaneerneqarnissaa kinguartinneqassasooq. Maanna siunnersuutigineqarpoq immikkoortoq ulloq 12. maj aappassaaneerneqassasooq.

Naalackersuisut kissaatigaat immikkoortoq 11-ip, Nunatta Karsiata 2009-imut naatsorsuutaasa Inatsisartunit akuerineqarnissaaq pillugu Inatsisartut aalajangiiffigisassaattut siunnersuut, siullermeerneqarnissaa 18. majimiit 12. majimut siuartinneqassasooq.

Nunat Avannarliit Killiit Siunnersuisoqatigiiffiannut aallartitat aajangersakkamik oqaluuserisassamik nalunaaruteqarput, imm. 33, 2010 aallarnerfigalugu nunani avannarlerni killerni tamani ukiut tamaasa qaammatip aggustip naanerani tallimangornermi kingullermi Nunat Avannarliit Killiit ulluata Islandimi, Savalimmiuni Kalaallillu Nunaanni naalackersuisunit ingerlanneqartarnissaata isumagineqartalernissaa Nunat Avannarliit Killiit Siunnersuisoqatigiiffiata innersuussutigaa. Nunat Avannarliit Killiit Siunnersuisoqatigiiffiat, nunani avannarlerni killerni pingaarnertut aallartitaqarfiit aamma aallartitaqarfiit atorfilittaqqarfiusut, illoqarfiit pingaarnersaat, takornariaqarnermik siunnersuisoqatigiit aammalu nunani ataasiakkaani kulturikkut ingerlatsiviit kiisalu nunani avannarlerni illuutini pisortat suleqatigalugit nunami oqartussaasut ullormik pilersaarusiornertik ingerlattassagaat Nunat Avannarliit Killiit Siunnersuisoqatigiiffiata kaammattuutigaa. Oqaluuserisassani immikkoortup ulloq 18. maj siullermeerneqarluni aappassaaneerneqarlunilu oqaluuserineqarnissaa kissaatigineqarpoq.

Siulittaasoqarfik Inatsisartut Suleriaasianni § 36, imm. 7-imi sapaatip akunneranut ataasiarluni nalunaaquttap akunneranik ataatsimik sivissusilimmik apeqquteqarfissamik aalajangersaasinnaanermut periarfissaq atorniarlugu aalajangersimavoq. Periarfissaq tamanna atorniarneqarpoq ulluni ataatsimiiffinni maajip ulluisa tallimaanni aqqaneq-aappaannilu ullaakkut qulinut ataatsimiinnerit aallartinneqarnerini. Tamanna pillugu ulluni qaninnerni Inatsisartunut ilaasortanut Naalackersuisunullu sukumiinerusumik nassuiaateqartoqarumaarpoq.

